



UNIVERSITÄTS-  
BIBLIOTHEK  
PADERBORN

## **Claudii Fleurii Abbatis Historia Ecclesiastica**

Ab anno Christi 1442. usque ad annum 1460

**Fleury, Claude**

**August. Vind. [u.a.], 1768**

**VD18 90118324**

§. 6. Amadæus Ripaliam reversus

---

[urn:nbn:de:hbz:466:1-66507](https://nbn-resolving.org/urn:nbn:de:hbz:466:1-66507)

Sæcul. XV ut reformandis Cleri moribus, necnon  
A. C. 1449. gregis curæ suæ concrediti instructioni-  
 bus assiduam daret operam. Ast brevi  
 anno scilicet sequenti laborum ipsius cur-  
 sum mors interceptit.

*Æn. Sylv.*  
*Europ. c. 42.*

Assumpsit etiam Nicolaus in cetero-  
 rum Cardinalium numerum Joannem  
 Archiepiscopum Tarentasiensem, Ludo-  
 vicum de Warambone Maurianensem  
 Episcopum, & Guilielmum de Stagno  
 Archidiaconum Metensem, omnes Gal-  
 los, a Felice Cardinalium collegio ad-  
 scriptos; Ceteri enim ab eodem creati,  
 aut jam mortui erant, aut dignitatem ab-  
 dicarunt. Inter quos erat Joannes Segov-  
 iensis Hispanus Vir moribus, & doctrina  
 illustris, qui dimisso Cardinalatus titulo,  
 Cæsariensi Ecclesiæ præfectus, in præ-  
 ruptis montibus parvo monasterio con-  
 tentus vixit. Scripsit duos libros de  
 Concilio Basileensi, ex quibus acta sua  
 Augustinus Patricius Senensis Canoni-  
 cus excerpfit. Idem quoque Alcoranum  
 Turcarum in linguam latinam convertit,  
 & ineptias ejus solidis argumentis ex-  
 plosit.

§. VI.

*Amadæus Ripaliam reversus.*

**A**madæus Sabaudiaë Dux abdicato suo  
 Papatu Ripaliam regressus est, ubi  
 piis

piis operibus intentus, cum suis Equitibus Ordinis militaris S. Mauritii reliquos vitæ suæ dies transegit, & quamvis habitum monasticum non induisset, moribus tamen ad regularem disciplinam compositis in hoc recessu vixit. Quapropter immerito a quibusdam Scriptoribus memoriæ traditum putamus, Amadæum hoc vitæ genus elegisse, ut seorsim vitam agendo, liberius deliciis, atque voluptatibus frueretur, indeque ortum duxisse illud Gallorum adagium, *faire ripailles*, facere ripaliam, hoc est, indulgere ventri & lætitiæ. In hac Eremita sua jam quintum egerat annum, cum a Basileensibus ad Papatum evocaretur, quo dimisso solidum adhuc triennium ibidem expleffe constat, cum nonnisi anno salutis supra millesimum quadringentesimo quinquagesimo secundo sexaginta octo annos natus e vita excesserit. (\*)

## §. VII.

*Jubilæum in annum sequentem a Nicolao promulgatum.*

Nicolaus, cum totam Italiam eorum, qui Mediolanensem statum ambiabant,

---

(\*) De anno mortis Amadæi omnino consulendus est Pagius in suo *Breviario Historico-Chronologico* tom. 5. num. 25. ad ann. 1450.

Sæcul. XV.  
A. C. 1449.